



Број/Број: 03/1-50-14-7-15/12
Сарајево/Sarajevo, 6. 6. 2012. godine

PREDMET: Informacija o održanoj Konferenciji o temi: „Rodna pitanja u reformi sektora sigurnosti“

U organizaciji George C. Maršal Centra Alumni asocijacije u BiH, NATO Štaba u BiH, Misije OSCE u BiH i UNDP-a SEESAC Beograd, i uz podršku Zajedničke komisije za odbranu i sigurnost BiH (ZK) u Vitezu je 27. 03. 2012. godine držana Konferencija o temi: „Rodna pitanja u reformi sektora sigurnosti“.

Ispred Zajedničke komisije za odbranu i sigurnost BiH, na Konferenciji su učešće uzeli: Dušanka Majkić, predsjedavajuća, Krunoslav Vrdoljak, Beriz Belkić i Mehmed Bradarić, članovi Komisije, Željko Grubešić stručni savjetnik i Jovica Katić stručni saradnik u Uredu sekretara ZK. Konferenciji je prisustvovao i Boško Šiljegović, parlamentarni vojni povjerenik.

Zajednička komisija za odbranu i sigurnost BiH, zajedno sa organizatorima pozvala je i predstavnike Ureda sekretara Zajedničke komisije za nadzor nad radom OSA BiH, Zajedničke komisije za ljudska prava, prava djeteta, mlade, imigraciju, izbjeglice, azil i etiku, Ustavno-pravne komisije Doma naroda i Komisije za ostvarivanje ravnopravnosti spolova Zastupničkog doma, te službenice Odjela za lektorisanje INDOK sektora Parlamentarne skupštine BiH.

Konferenciji u Vitezu su prisustvovali i predstavnici nevladinog sektora, Ženevskog DKAF-a, George C. Maršal Centra, gosti iz Austrije, Hrvatske, Makedonije i Srbije, predstavnici zakonodavne i izvršne vlasti svih nivoa, predstavnici MO BiH, policijskih agencija te oko 120 članova Alumni asocijacije u BiH.

U uvodnom dijelu učesnicima Konferencije su prezentirane teme kao što su: lokalno vlasništvo nad reformom sektora sigurnosti i rodna pitanja, te zašto je važno integrisati rodna pitanja u proces reforme sektora sigurnosti.

Prvi panel je definisao institucionalne pristupe rodним pitanjima u odbrambenom i sigurnosnom sektoru, a unutar njega su prezentirana iskustva NATO-a u vezi sa rodnom jednakosti, zatim iskustva Republike Austrije po ovoj temi, te perspektive i najbolje prakse zemalja Jugoistočne Evrope po pitanjima roda u reformi sektora sigurnosti. Prvi panel je zaključen sa svečanim proglašenjem Nikole Radovanovića za prvog počasnog člana Alumni Asocijacije u BiH.

Na drugom panelu je govoreno o rodnim pitanjima u BiH, a u okviru ove teme naročito prezentirani BiH Akcioni plan za implementaciju UN Rezolucije 1325, te pitanje roda i reforme sektora sigurnosti u BiH.

Treći panel je definisao pitanja roda i jezika, a naročito rodni identitet u jeziku i rodno osjetljivi jezik u zvaničnim dokumentima.

Konferencija je rezultirala i donošenjem određenog broja zaključaka, koji će u formi izvještaja sa održane Konferencije naknadno biti distribuiran svim učesnicima Konferencije.

PREDSJEDAVAJUĆA KOMISIJE
Dušanka Majkić

Dostavljeno:

- naslovu
- a/a